



国家出版基金项目  
NATIONAL PUBLISHING FUND PROJECT



中华现代学术名著丛书

# 中国政治思想史

下册


萧公权 著



创立于1897


商务印书馆

The Commercial Press





中华现代学术名著丛书



# 中国政治思想史

下册



创于1897

商务印书馆

The Commercial Press

2011年·北京



图书在版编目(CIP)数据

中国政治思想史/萧公权著. —北京:商务印书馆,  
2011

(中华现代学术名著丛书)  
ISBN 978-7-100-08606-6

I. ①中… II. ①萧… III. ①政治思想史—中国  
IV. ①D092

中国版本图书馆CIP数据核字(2011)第192896号

所有权利保留。

未经许可,不得以任何方式使用。

本书中文简体字版由联经出版事业公司授权出版,  
原著作名《中國政治思想史》

中华现代学术名著丛书

中国政治思想史

(上、下册)

萧公权 著

商务印书馆出版

(北京王府井大街36号 邮政编码 100710)

商务印书馆发行

北京瑞古冠中印刷厂印刷

ISBN 978-7-100-08606-6

2011年12月第1版

开本 880×1240 1/32

2011年12月北京第1次印刷

印张 31 1/4 插页 1

定价: 95.00元

# 下册目录

## 第三编 专制天下之政治思想——转变时期(上)

|                         |     |
|-------------------------|-----|
| 第十六章 明代专制思想之反动与余波 ..... | 507 |
| 第一节 刘基 .....            | 507 |
| 第二节 方孝孺 .....           | 515 |
| 第三节 张居正 .....           | 531 |
| 第四节 吕坤 .....            | 538 |
| 第十七章 王守仁与李贽 .....       | 546 |
| 第一节 王守仁 .....           | 546 |
| 第二节 李贽 .....            | 556 |
| 第三节 西学之初来与失败 .....      | 572 |
| 第十八章 明末清初之反专制思想 .....   | 577 |
| 第一节 专制之覆辙 .....         | 577 |
| 第二节 黄宗羲 .....           | 579 |
| 第三节 唐甄 .....            | 593 |
| 第四节 顾炎武 .....           | 599 |
| 第十九章 王夫之 .....          | 610 |
| 第一节 制度论 .....           | 610 |
| 第二节 民族思想 .....          | 620 |

|                                   |                   |     |
|-----------------------------------|-------------------|-----|
| 第三节                               | 吕留良与曾静 .....      | 627 |
| 第二十章                              | 太平天国 .....        | 636 |
| 第一节                               | 政治思想之消沉 .....     | 636 |
| 第二节                               | 太平天国政治思想之背景 ..... | 645 |
| 第三节                               | 太平天国之政治理想 .....   | 650 |
| <br><b>第四编 近代国家之政治思想——转变时期(下)</b> |                   |     |
| 第二十一章                             | 戊戌维新 .....        | 663 |
| 第一节                               | 戊戌维新之历史背景 .....   | 663 |
| 第二节                               | 康有为之政治哲学 .....    | 670 |
| 第三节                               | 大同之理想 .....       | 677 |
| 第四节                               | 康有为之维新论 .....     | 688 |
| 第五节                               | 谭嗣同 .....         | 705 |
| 第二十二章                             | 梁启超 .....         | 714 |
| 第一节                               | 身世与学术 .....       | 714 |
| 第二节                               | 世界大同与民族国家 .....   | 720 |
| 第三节                               | 民权与君宪 .....       | 729 |
| 第四节                               | 民治理论 .....        | 742 |
| 第五节                               | 进步思想 .....        | 757 |
| 第二十三章                             | 戊戌前后之维新思想 .....   | 766 |
| 第一节                               | 冯桂芬 .....         | 766 |
| 第二节                               | 张之洞 .....         | 773 |
| 第三节                               | 何启与胡礼垣 .....      | 784 |
| 第四节                               | 严复 .....          | 796 |
| 第二十四章                             | 辛亥革命 .....        | 821 |

|     |                  |     |
|-----|------------------|-----|
| 第一节 | 革命运动之勃兴 .....    | 821 |
| 第二节 | 邹容《革命军》 .....    | 824 |
| 第三节 | 同盟会时代之革命思想 ..... | 827 |
| 第四节 | 章炳麟 .....        | 833 |

## 第五编 近代国家之政治思想——成熟时期(本编缺文)

### 附录

|                                  |         |
|----------------------------------|---------|
| 中国政治思想史参考资料辑要凡例 .....            | 873     |
| 中国政治思想史参考资料绪论 .....              | 875     |
| 引用书目 .....                       | 938     |
| 萧公权先生学术年表 .....                  | 汪荣祖 955 |
| 萧公权的《中国政治思想史》及其中国政治思想研究<br>..... | 张允起 962 |

## 第三编

# 专制天下之政治思想

——转变时期(上)





## 第十六章 明代专制思想之 反动与余波

### 第一节 刘基

自秦汉以来，专制天下之政治思想，一脉流传。千余年中，虽间受攻击，而根本未能动摇。盖辗转于君主政体之下而无民治之经验，故“专制”之思想不能打破。局促于小九州之中而无国际之往来，则“天下”之观念不能放弃。积之既久，不独现代民权、民族之新学说横遭阻碍，不得萌芽，甚至先秦固有之贵民攘夷思想亦渐趋隐微，不复得为显学。明代政论特点之一，即为注意于民本、民族之观念，上复先秦古学，下开近世风气。明初之刘基、方孝孺，与明末清初之黄宗羲、王夫之分别代表此两种趋势，皆对专制天下之弊政加之以严重攻击。然而此数人之学术既仍本之儒家，而明代一般之儒者更不能脱专制天下之结习。如张居正、吕坤诸人留连于尊君思想之中，视刘、方且有逊色，他无论矣。故就大体言，明代儒学仅为转变时期之前夕思想，不足以预于转变潮流之本身也。

抑吾人应注意，此前夕之思想实从长期痛苦之中锻炼以成，并非得之容易。中国受虐政之荼毒及异族之蹂躏，至元朝而达于极点，生民涂炭之苦，前乎此者殆无过于晚唐五代。然懿僖虽昏纵，

犹中国人之自主,未尝蹴庶民以下侪奴婢犬马也。五胡之侵,北朝之僭,开外族入主之奇祸。然其君既多同化<sup>①</sup>于中国,且每能治政安民,不乏英主。加之政权不固,囿于偏安。衣冠文物犹得江左以为庇护之所,则其为害,亦未极远。至蒙古吞灭宋、金、西夏,始以异族立一统之政权。蒙古既以征服者自居,对汉人遂大施凌虐。举其尤甚者如汉人不得为庶官之长。<sup>②</sup>蒙古人居官犯法不由汉官断罪,<sup>③</sup>而蒙古、色目均得侮傲汉人。<sup>④</sup>此诸政治及社会上之不平等,已足产生严重之结果。<sup>⑤</sup>加以经济及文化上之压迫则几可绝灭人种,使无噍类。盖蒙古帝国本不以中国为中心,诸帝既多不习汉文,汉人反甘心同化。<sup>⑥</sup>田地既多为蒙古、色目所占夺,租税则仍为汉人所承担。国家常课以外,复须供奉领主。民不聊生,至于自杀。<sup>⑦</sup>“州郡长吏生杀任情。孥人妻女,取货财,兼土田。”<sup>⑧</sup>江南州县官无俸给,惟剥百姓以自给。王公大臣复强占民田以为“草场”。民既无地,沦为佃农。豪家榨取如奴隶,契卖如牛马,格杀不论抵死。凡此不过举其著者。若加细按,可盈卷册。<sup>⑨</sup>苛政猛于虎,岂

① 梁启超《中国文化史》(《饮冰室专集》,页88、页28—29)。

② 《元史》卷八五及柯劭忞《新元史》卷五五“百官志一”。

③ 《元史·刑法志一》“职制上”。

④ 宋濂《宋学士文集》卷三“元故翰林待制(中略)雷府君墓志”。

⑤ 柯劭忞《新元史·百官志序》曰:“上自中书省,下逮郡县亲民之吏:必以蒙古人为之长,汉人贰之。终元之世,奸巨恣睢于上,贫吏掊克于下。”

⑥ 赵翼《廿二史劄记》卷三〇“元诸帝多不习汉文”及“元汉人多作蒙古名”条。

⑦ 《元史》卷一七二“赵孟頫传”。

⑧ 同书卷一四六“耶律楚材传”。

⑨ 吴晗《元代之社会》(清华大学《社会科学》一卷三期)。

足以致天下于治平！故元世祖时江南盗贼已四百余处。<sup>①</sup>元末则群雄蜂起，大都迫于饥寒，出身微贱。切齿于异族之暴政，遂奋起而倾覆之。<sup>②</sup>刘、方之政论则此反抗异族专制政治运动思想上之反映也。

刘基，字伯温。生于元武宗至大四年，卒于明太祖洪武八年。元末以进士官高安县丞，为政严而有仁惠。行省大臣辟为职官掾史，以与幕官议事不合，弃官归隐。后复就征，治寇有功，不为朝廷所录，仍归隐青田山中。著书二卷曰《郁离子》<sup>③</sup>。后应朱元璋聘为之划谋定策，佐平天下，授弘文馆学士，封诚意伯。<sup>④</sup>刘氏生当元季，抱志有为，而坎坷不遇，目睹政荒民困之事实，故其立言，远承孟子之坠绪，而深切愤激，直可与林慎思<sup>⑤</sup>先后呼应。然林氏只论人事，刘氏兼明天人，似尤与孟子相近。<sup>⑥</sup>

刘氏以“天”为政权最后之根据。然其论天人之间的关系，则一扫阴阳家之说而徘徊于主宰与自然二观念之间。儒家谓天生民而树

① 《元史·世祖本纪》卷一二。

② 按《新元史》卷二二五“韩林儿张士诚传”、卷二二六“徐寿辉陈友谅明玉珍传”、卷二二七“方国珍传”、《明史》卷一二二——一二三“郭子兴诸人列传”，郭子兴乃卜人之子，韩林儿父山童为童子师，李二以芝麻贩人，称芝麻李（时皆号曰“红军”，以其首裹红巾也）。陈友定乃福建佃农，陈友谅乃安庆渔户，徐寿辉乃布贩，方国珍及张士诚则盐徒也。扫除群雄之朱元璋以家贫入皇觉寺为僧，亦不出高门（《明史》卷一太祖本纪一）。

③ 今有《说郛》、《百陵学山》、《学津讨原》、《百子全书》诸本。亦收入《诚意伯文集》，有四部丛刊影明及光绪元年刘氏刻本，徐一夔《郁离子序》曰：“离为火，文明之象。用之其文郁郁然为盛世文明之治，故曰《郁离子》。”

④ 《明史》卷一二八本传，《文集》附录行状及神道碑。

⑤ 见本书第十二章第四节。

⑥ 刘氏以术数见信，后世遂多传会。然其学含有神秘之成分则为事实。如《文集》卷一附载朱元璋与基书谓其教以“六月七月间举兵用事，不利先动，当候土木顺行、金星出见则可”。足为一例。

之君。刘氏因之而为之说曰：“天生民，不能自治，于是乎立之君，付之以生杀之权，使之禁暴诛乱，抑顽恶而扶弱善也。”<sup>①</sup>又曰：“维天生民，僂僂蚩蚩，有欲罔制，乃豹乃螭。爰立之君，载作之师。式养式教，毋汨秉彝。”<sup>②</sup>虽然，刘氏“天论”有与孟子不同者。孟子以天为授命之主宰而以民意达天心。刘氏则略采宋儒理气二元之说，以天为有气质之病，而信人力可以助天之未能。盖天心本在奖善而警恶。然“天以气为质，气失其平则变”<sup>③</sup>。气质之病既发，则天心不能贯彻，而天亦丧其主宰之能力。于斯时也，世有圣贤人出，乃因乱为治，就人事以矫天之失而医之，俾复其本心之所具。若遭遇昏主暴君，则疾不可治而反以加重。征之史载，历历有据。“朱均不肖，尧舜医而瘳之。桀纣暴虐，汤武又医而瘳之。周末孔子善医而时不用，故著其方以传于世。易书诗春秋是也。高文光武能于医而未圣，故病少愈而气不尽复。和安以降，病作而无其医。桓灵以钩吻为参苓，而操懿之徒又加鸩焉。由是病入于膏肓而天道几穷矣。”<sup>④</sup>

虽然，此就天气质之变态言之耳。就其本心之常态言，则圣人非善医而实“善盗”。盖“天地善生，盗之者无禁。惟圣人为能知盗。执其权，用其力，攘其功而归诸己，非徒发其藏，取其物而已也”。“故上古之善盗者莫伏羲神农氏若也。悖其典、庸其礼、操天地之心以作之君，则既夺其权而执之矣。于是教民以盗其力以为吾用。春而种、秋而收，逐其时而利其生。高而宫、卑而池，水而

① 《郁离子·蛇蝎》。

② 《文集》卷四“官箴上”。

③ 同书卷四“天说下”。

④ 同上。

舟，风而帆，曲取之无遗焉。而天地之生愈滋，庶民之用愈足。惟天之善生而后能容焉，非圣人之善盗而各以其所欲取之，则物尽而藏竭，天地亦无如之何矣。”<sup>①</sup>抑吾人当注意，所谓盗者乃潜取而非窃夺。天不言，圣人代行其事，迹近专擅，故名之盗。论其效用，则善盗之圣人，本天理物情以行之，赞成化育，功德显明。虽加盗名，实不为罪。若虚耗天生，无益万类，则真为盗贼，与圣人参天地以为四海之君者不可同日而语。故《郁离子》曰：“人能财成天地之道，辅相天地之宜，以育天地之物，则其夺诸物以自用也，亦弗过。不能财成天地之道，辅相天地之宜，蚩蚩焉与物同行，而曰天地之生物以养我也，则其获罪于天地也大矣。”<sup>②</sup>

就天之心与理言，则圣人执用其权力，就天之气质言，则圣人医治其疾病。刘氏此说与传统儒家思想以天为纯然主动，人为纯然受动者，固已显有区别。而其否认天谴，尤与董仲舒以来之天人学说相歧。“雷说上”曰：“有夫耕于野，震以死。或曰：畏哉！是获罪于天，天戮之矣。刘子曰：诬哉！何观天之局也？一夫有罪，天将戮之乎？天生民而立之牧，付之以生杀之权，而又自震以讨焉，恶用是司牧者为也。”<sup>③</sup>此天工人代说逻辑上之必然结论，亦天权说理论上之一进步也。

天人之关系既明，吾人可略述刘氏之民本思想。此则悉守孟子遗教而深致讥于元季之苛政。刘氏认定政治之惟一目的在立君以养民，而养民之要务在“聚欲去其恶”<sup>④</sup>。若病民以奉君，或泄沓

① “天地之盗”篇。

② “天道”篇。

③ 《集》卷四。

④ 同书卷四“悦茂堂诗”。

以从事，则人心离散，君位动摇。《郁离子》屡设寓言以明此旨。姑举例以见一斑。

灵丘之丈人善养蜂，岁收蜜数百斛，蜡称之。于是其富比封君焉。丈人卒，其子继之。未期月，蜂有举族而去者弗恤也。岁余，去且半。又岁余，尽去。其家遂贫。陶朱公之齐，过而问焉曰：是何昔日之焯焯而今日之凉凉者也？其邻之叟对曰：以蜂。请问其故。对曰：昔者丈人之养蜂也，园有庐，庐有守。剝木以为蜂之官，不罅不痼。<sup>①</sup>其置也，疏密有行，新旧有次。坐有方，牖有向。五五为伍，一人司之。视其生息，调其暄寒。巩其构架，时其瑾发。<sup>②</sup>蕃则从之析之，寡则与之哀之，不使有二王也。去其蝮蠹虵蝼，弭其土蜂蝇豹。夏不烈日，冬不凝澌。飘风吹而不摇，淋雨沃而不渍。其取蜜也，分其羸而已矣，不竭其力也。于是故者安，新者息。丈人不出户而收其利。今其子则不然矣。园庐不葺，污秽不治，燥湿不调。启闭无节，居处隳疏，出入障碍，而蜂不乐其居矣。及其久也，蛄蜥同其房而不知，蝼蚁钻其室而不禁。鸛鷓掠之于白日，狐狸窃之于昏夜。莫之察也，取蜜而已。又焉得不凉凉也哉。陶朱公曰：噫！二三子识之，为国有民者可以鉴矣。<sup>③</sup>

此寓养民为政事之本，开国之君能养民以兴，继体之君废怠以

① 痼音由，朽木臭。

② 瑾音覲，涂塞。

③ “灵丘丈人”篇。

亡也。

瓠里子自吴归越。相国使人送之曰：使自择官舟以渡。送者未至。于是舟泊于泚者以千数，瓠里子欲择之而不能识。送者至，问曰：舟若是多，恶乎择？对曰：甚易也。但视其敝篷折橹而破帆者即官舟也。从而得之。瓠里子仰天叹曰：今之治政，其亦以民为官民欤！则爱之者鲜矣，宜其敝也。<sup>①</sup>

此讥君长之怠于从公以至百度皆废也。

北郭氏之老卒，僮仆争政。室坏，不修且压，乃召工谋之。请粟，曰：未间，汝姑自食。役人告饥，莅事者弗白而求贿。弗与，卒不白。于是众工皆恚恚，执斧凿而坐。会天大雨霖，步廊之柱折。两廊既圯，次及于堂。乃用其人之言，出粟具饗飧以集工曰：惟所欲而与，弗靳。工人至，视其室不可支，则皆辞。其一曰：向也吾饥，请粟而弗得，今吾饱矣。其二曰：子之饗馔矣，弗可食矣。其三曰：子之室腐矣，吾无所用其力矣。则相率而逝，室遂不葺而圯。郁离子曰：北郭氏之先以信义得人力，致富甲天下。至其后世，一室不保，何其忽也！家政不修，权归下隶，贿赂公行，以失人心，非不幸矣。<sup>②</sup>

此讽腐败政府目睹危亡迫切而不能有为以自救也。

① “灵丘丈人”篇。

② “千里马”篇。按基尝仕元，不见信任，此所言殆以工人自喻欤。

楚有养狙以为生者，楚人谓之狙公。旦日必部分众狙于庭，使老狙率以之山中，求草木之实，什一以自奉。或不给，则加鞭箠焉。众狙皆畏苦之，弗敢违也。一日有小狙谓众狙曰，山之果，公所树欤？曰：否也，天生也。曰：非公不得而取欤？曰：否也，皆得而取也。曰：然则吾何假于彼而为之役乎？言未既，众狙皆悟。其夕，相与伺狙公之寝，破栅毁柙，取其积，相继而入于林中，不复归。狙公卒馁而死。郁离子曰：世有以术使民而无道揆者，其如狙公乎？惟其昏而未觉也。一旦有开之，其术穷矣。<sup>①</sup>

此明苛政虐民，终起革命，民虽愚而不可欺也。

虽然，吾人当注意，刘氏所言皆据民本之旨以明革命大义，而始终未尝一及种族夷夏之辨。刘氏虽深讥蒙古政府之腐败，然其讥之者以其为无道之政府，非以其为异族之政府。向使蒙古用之，大行仁民之政，则“北郭氏”之堂不倾，皇觉寺之僧不帝，异族政府虽维持至于久远可也。盖刘氏之政治哲学以民本为其最高之原则。远似隋末之王通，<sup>②</sup>近似元初之许衡。<sup>③</sup>而王许二人犹略存种类文化观念，刘基则独倡大同之说，诚一可异之事。基谓“海岛之夷人好腥，得虾蟹螺蛤皆生食之。以食客，不食则咻焉。裸壤之国不衣，见冠裳则骇，反而走以避。五溪之蛮羞蜜唧而珍桂蠹。贡以

① “瞽瞍”篇。

② 见本书第十二章第一节。

③ 见下节。



为方物,不受则疑以逖”。“故中国以夷狄为寇,而夷狄亦以中国之师为寇。必有能辨之者,是以天下贵大同也。”<sup>①</sup>《郁离子》此言不啻举传统思想中种族文化之观念而直接否认之。其论据有合于庄生齐物之旨,殆未可以与儒家之大同理想并论也。

## 第二节 方孝孺

刘基论政舍民族而专阐民本,方孝孺则兼明二义,而其攘夷言论之激扬深切,殆为前此之所未有。孝孺(1357—1402)字希直,一字希古,生于元顺帝至正十七年。少承家学,“甫有知识,辄欲以伊尹、周公自望,以辅明主,树勋业自期,视管萧以下蔑如也。”后游京师,从宋濂学。洪武中除汉中教授。惠帝即位召为翰林侍讲。每有疑问,不时宣召。君臣之间,同于师友。燕王篡位,命草诏,不屈,磔于市,时惠帝建文四年也。所著有《逊志斋集》二十四卷。<sup>②</sup>永乐中藏孝孺文者罪至死。门人王稔潜录为《侯城集》<sup>③</sup>,故后得行于世。

黄宗羲《明儒学案》列方氏于诸儒学案之首,且谓诸儒之学“宋人规范犹在”<sup>④</sup>。此就哲学思想言之,殆为定论。然方氏于理学宗传之中虽纯居继述之地位,其政治思想则不乏创新之特见,足为明初巨擘。综其大者,约有四端。一曰政治源起,二曰君主职务,三

① “神化”篇。

② 《逊志斋集》卷一五“茹荼斋记”。

③ 今有四部丛刊影明、《乾坤正气集》、台州、成都刻诸本。

④ 《明史》卷一四一本传。参黄宗羲《明儒学案》卷四三。